

**Naaja H. Nathanielsen**  
**Attavitsoq / Løsgænger**

Nuuk, den 5. juli, 2016

Inatsisartut suleriaasianni § 37 naapertorlugu Naalakkersuisunut imak apeqquteqaateqarpunga.

**Naalakkersuisunut apeqqutit:**

**1.**

**Naalakkersuisut ukiakkut 2015-imi Inatsisartut avatangiisinut ataatsimiititaliaanut toqunartut pillugit akissuteqaatertik, tunngavilersummi issuarneqartoq attanniarpaat?**

**2.**

**2003-mi missuineq Aarhus Universitetip Center for Arktisk Miljømedicin saqqummiunneqartumi nalunaarusiami AMAP-imi inuuusuttut kinguaassiorfiusut ukiuinik ukiullit immami miluumasunik nerisaqarnissamut mianersoqquneqarput, tamanna Naalakkersuisut qanoq isumaqarfigaat?**

**3.**

**Naalakkersuisut ilisimatusarfinnut ilisimasamikkut tusaamaneqarluartunut allanut toqunartunik inuit peqqissussaannut kinguaassiorsinnaanermullu ajoqusiisunut uparuartuisimasunik ilisimasaqarpat? Taamaappat- Sooq Naalakkersuisut Inatsisartut avatangiisinut ataatsimiititaliaanut akissuteqaatimittut akissuteqaateqarpat?**

**4.**

**Toqunartut avatangiisinullu mingutsitsinerup inooriaatsitsinnut peqqissutsitsinnullu kingunerisassaannut qanoq Naalakkersuisut eqqarsaatersorpat? Naalakkersuisut tigussaasunik pilersaaruteqarpat sunniutaasussanut millisaasussanik?**

(Inatsisartunut ilaasortaq, Naaja H. Nathanielsen, Attaviitsoq)

**Tunngavilersuut**

Misissuinerit arlaqaqisut takutippaat immami miluumasut timaanni toqunartut POP-inik taaneqartartut katersuutsigisimasut allaat peqqinnissamut ajoqusiisinjaallutik.

POP-ini ajornartorsiutaavoq, toqunartut inuunerup sinnerani timimiittaramik arnallu taamaallaat erninermikkut toqunartunik timiminniittunik peersitsisisinnaammata ernigaangamik milutsitsillutillu, taamaalillunilu toqunartut meeqqaminnut ingerlateqqitarlugit.

Misissuinerit siusinnerusukkut inuussutissaqarnermut isumalioqatigiissitaq allallu suliamut ilisimasaqartut nalunaaruteqartittariaqarsimavaat immami miluumasunik soorlu aamma nannunik nerisaqarneq aatsaat pisussaassasoq meeqqiørunnaarnerup kingorna. Taamaaliornikkut kinguaarisanut ingerlateqqiisarneq millisarniarneqarsinnaammat.

Misissuinerit aamma Inatsisartut avatangiisinut ataatsimiitaliaa Naalakkersuisunut apeqquteqaateqartippaa. Naalakkersuisunut apeqquteqaat imak oqaasertaqarpoq:  
*Naalakkersuisut Ataatsimiitaliaq peqatigalugu POP-init allanillu akuutissanit inuussutissatsinnut avatangiisitsinnullu ingerlaqqittartut kinguaassiorsinnaanerup peqqissutsillu ajortumik sunnerneqarsinnaanerat ernummanartippaat?*

Naalakkersuisunit akissuteqaat imak oqaasertaqarpoq, immaqa tupallannalaarluni:

*"Naalakkersuisut ernummateqartutut oqaaseqarsinnaanngillat, soorlu Ataatsimiitaliap kinguaassiorsinnaanerup peqqissutsillu POP-it allallu akuutissat inuussutissanut avatangiisinullu ingerlateeqqinnerisigut sunnerneqarsinnaanerannut ernummateqarpasittooq. Takussutissaqanngilaq misissuisoqarsimanilu taakku ajornartorsiutitut isigineqalersinnaanerannut."*

isuma tamanna isumaqarpounga oqallisigeqqitassaqqittooq. Taamaattumik taakkuningga aperivunga. Ullut suliffiusut qaangiutsinnagit akineqarnissara piumasaraara.